

Dadus relata 19 Maiu 2020

### SUMÁRIU

- Asembleia Saúde Mundiál (*Sigla Inglés: World Health Assembly (WHA)*) ba dala hitunulu resin tolu halo abertura iha loron Segunda, horseik. WHA tinan ida ne'e foka liu ba pandemia COVID-19. Membru Estadu sira sei hatoo deklarasaun, relatóriu kona-ba sira-nia progresu kombate hasoru virus corona, fahe esperiênsia kona-ba situasaun ne'ebé evolve no mós konsidera esbosu rezolusaun kona-ba COVID-19. WHA ne'e disponivel online ho lian Arabi, Xinés, Rusu (Rússia), Inglés, Fransés, no Españól. No ida ne'e nuudar WHA konvoka ba dahuluk tuir virtual.

Hosi Timor-Leste mós partisipa iha WHA virtúál ida ne'e; Diretóra Jerál Prestaun Saúde, Ministériu Saúde (MS), Diretór Nasionál, Política & Kooperasaun.

- Ministériu Saúde hamutuk ho Hospital Nacional Guido Valadares (HNGV) ho apoiu hosi OMS, St John of God, Menzies School of Health Research, Maluk Timor and USAID hala'o treinamentu durante loron-ida ba "Jestaun Kazu COVID-19" ba pesoál klíniku hosi facilidade izolamentu no tratamentu. Akumula hamutuk ho sesaun treinamentu sira ikus ne'ebé remata iha Segunda iha Dili, profisionál saúde sira hamutuk nain 110 mak partisipa ona iha treinamentu refere. Iha faze tuirmai, sei hala'o treinamentu hanesan iha ospital regional lima.
- MS ho apoiu hosi OMS hala'o treinamentu no sensitizasaun ba pesoál saúde liuhosi ema nain 40 iha Sentru Saúde Komunitária (SSK) Atauro kona-ba importánsia hosi kampaña ijiene liman ne'ebé maka ho objetivu atu emmnfatiza liután imoortánsia hosi ijiene liman la'os deit iha kontestu COVID-19, maibé atu hadi'ak liután saúde en jerál. Partisipantes sira mós aprende oinsá atu halo facilidade fase liman uza *bee gallon* nia fatin ne'ebé disponivel iha comunidade.
- UNICEF no OMS fó apoiu ba MS hodi hasa'e koñesimentu ba funsionáriu Ministériu Sosiál Solidariedade no Inklusaun sira atu proteje sira-nia an no iha tempu hanesan hasa'e koñesimentu iha nivel comunidade nian kona-ba prevensaun COVID-19 durante programa fahe subsidu ne'ebé planeadu.
- OMS no USAID servisu hamutuk ho jornal diáriu rua no sitiu online ba notisia ne'ebé ema le'e/asesu beibeik hodi pública Pergunta no Resposta ne'ebé Husu Beibeik iha lian Tetum atu bele kobre no

### SITUASAUN IHA NÚMERU

Totál no kazu (foun) iha Timor-Leste

**24** konfirmadu (**foun 0**)

**0** mate

(Bazeia ba dadus ne'ebé pública iha [Centro Integrado Gestao de Crise](#))

Tuir pájina WHO Timor-Leste  
[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

### SITUASAUN GLOBÁL

Totál kazu (foun) iha oras 24 nia laran

#### Globalmente

**4 618 821** konfirmadu (**93 324**)

**311 847** mate (**4452**)

### AVALIASAUN RISKU OMS


Nivel Globál    Aas tebes

populasaun sira bele asesu ho fasil. Konteudu ne'ebé hanesan mós públika iha sitiu notisia online sira seluk mós.

- OMS fornese máskara 10,000, luvas 1000, no lixu fatin 100 ba Departamentu Saúde Ambientál ne'ebé iha Diresaun Nasionál Saúde Públiku, MS atu hodi bele fó apoiu no hadi'ak liután MS nia responde ba COVID-19 ne'ebé relasiona ba jestaun lixu klíniku nian, dezinfesaun no dekontaminasaun iha fatin sira hanesan Pontu Entrada, Kuarentena no Izolamentu no Fasilidade Saúde.
- UNICEF no Munisípiu Dili hala'o avaliasaun ba fasilidade WASH ne'ebé eziste ona iha merkadu Manleuana hanesan parte inisiu ida hodi hadi'ak fasilidade WASH permanente no sustentavel iha fatin públiku iha Dili.
- UNICEF fornese *speaker* 150 no ekipamentu komunikasaun seluk ba sentru saúde komunitária 70 no iha servisu saúde munisípiu 9 iha teritóriu tomak hodi fó apoiu ba prevensaun no koñesimentu ba COVID-19 iha nivel comunidade.



Data notifikasaun kazu foun no kumulativu COVID-19 iha Timor-Leste




Source : Direcção Nacional Controlo de Doenças - Departamento Vijiłansia Epidemiologia

Timor-Leste

## Situasaun Nasional Kazu : COVID-19 Timor-Leste

(Kumulative figures)



Source : Direcção Nacional Controlo de Doenças - Departamento Vijiłansia Epidemiologia

## Sumáriu Global

- OMS asina ona akordu ho International Olympic Committee (IOC) hodi servisu hamutuk ba promove saúde liuhosi desportu no atividade fíziku. Akordu ida ne'e ho foka espesial ba prevensaun moras la hada'et (NCDs). Kolaborasaun ida ne'e mai iha tempu ne'ebé loos durante pandemia COVID-19 ne'ebé maka ataka ema moras NCD barak.

---

## OMS TIMOR-LESTE NIA OBJETIVU ESTRATÉJIU

- Hapara transmisaun hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba infesaun prevensaun no kontrolu (IPC) ne'ebé rigoroza tebes no hasa'e kapasidade ba IPC nian;
- Identifika, izola no kuida ba pasiente; inklui fornese mós kuida óptimu ba pasiente ne'ebé infetadu;
- Halo sosializasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosial no ekonómiku liuhosi parseria multisetorál.

---

## REKOMENDASAUN NO KONSELLU BA PÚBLIKU

### Fase ita-nia liman beibeik

Fase ita-nia liman ho dezinfetante ka fase ho sabaun no bee

**Tanbasá?** Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

### Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

**Tanbasá?** Bainhira ema me'ar ka fani sira bele hada'et mós ho turuk-oan sai hosi sira-nia inus kaibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

### Evita ka'er ita nia matan, inus no ibun

**Tanbasá?** Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

### Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

**Tanbasá?** Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

**Se ita-boot isin-manas, me'ar no dada iis araska, buka lalais tratamentu**

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

**Tanbasá?** Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

**Buka hatene informasaun no halo tuir konsellu ne'ebé pesoál saúde sira hatoo**

Buka hatene nafatin informasaun ba dezvoltimentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia an no ho ema seluk husi COVID-19.

**Tanbasá?** Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Ba matadalan kona-ba medida preventiva seluk disponivel iha [ne'e](#).

---

**Informasaun COVID-19 Information no kontaktu média:**

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
  - Alende ne'e, [Pájinha Facebook MS](#) nian fornese atualizasaun loloos kona-ba dezvoltimentu COVID-19 iha rai laran
  - OMS Timor-Leste liuhosi nia [Pájinha Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba [singhsho@who.int](mailto:singhsho@who.int) no [hasane@who.int](mailto:hasane@who.int)
-